

223936

宋六十名家詞

(上)

中華書局印行



宋六十名家詞

553030

四部備要

集部

上海中華書局據汲古閣

本校刊

桐鄉 陸費達總勘

杭縣 高時顯輯校

杭縣 吳汝霖監造

版權所有不許翻印

宋名家詞總目

珠玉詞	卷	晏殊
六一詞	卷	歐陽脩
樂章集	卷	柳永
東坡詞	卷	蘇軾
山谷詞	卷	黃庭堅
淮海詞	卷	秦觀
小山詞	卷	晏幾道
東堂詞	卷	毛滂
放翁詞	卷	陸游
稼軒詞四卷	辛棄疾	
片玉詞二卷補遺一卷	周邦彥	
梅溪詞	卷	史達祖
白石詞	卷	姜夔
石林詞	卷	葉夢得
酒邊詞	卷	向子諲
溪堂詞	卷	謝逸
樵隱詞	卷	毛開
竹山詞	卷	蔣捷
書舟詞	卷	程垓
田菴詞	卷	趙師俠
惜香樂府	卷	趙長卿
西樵語業	卷	楊炎
竹屋癡語	卷	高觀國
夢窗稿四卷補遺一卷	吳文英	
近體樂府	卷	周必大
竹齋詩餘	卷	黃機
金谷遺音	卷	石孝友
散花菴詞	卷	黃昇
和清真詞	卷	方千里
後村別調	卷	劉克莊
蘆川詞	卷	張元幹
于湖詞	卷	張孝祥
洛水詞	卷	程秘
歸隱詞	卷	葛立方
龍洲詞	卷	劉過
初寮詞	卷	王安中
龍川詞	卷	陳亮
姑溪詞	卷	李之儀
友古詞	卷	蔡伸

宋名家詞總目

石屏詞	卷	戴復古
梅野詞	卷	曾觀
逃禪詞	卷	楊无咎
空同詞	卷	洪瑱
介菴詞	卷	趙彥端
平齋詞	卷	洪咨夔
文溪詞	卷	李公昂
丹陽詞	卷	葛勝仲
嬾窩詞	卷	侯寘
克齋詞	卷	沈端節
芸窗詞	卷	周紫芝
竹坡詞三卷	呂安世	
聖求詞	卷	杜安世
壽域詞	卷	王千秋
審齋詞	卷	韓玉
東浦詞	卷	黃公度
知稼翁詞一卷	陳與義	
無住詞	卷	陳師道
後山詞	卷	盧祖皋
蒲江詞	卷	盧祖皋
琴趣外篇六卷	盧炳	
烘堂詞	卷	盧炳

珠玉詞
目錄

點絳脣	一調	浣溪沙	十二調
清商怨	一調	菩薩蠻	四調
訴衷情	七調	採桑子	七調
酒泉子	二調	望仙門	三調
謁金門	一調	清平樂	五調
更漏子	四調	相思兒令	二調
喜遷鶯	五調	撼庭秋	一調
胡搗練	一調	秋蕊香	二調
滴瀝金	一調	燕歸梁	二調
望漢月	一調	少年遊	四調
雨中花	一調	迎春樂	一調
紅窗聽	二調	睿恩新	二調
玉樓春	十調	鳳御杯	三調
踏莎行	五調	臨江仙	一調
蝶戀花	七調	玉堂春	三調
漁家傲	十三調	破陣子	四調
瑞鷓鴣	二調	婦人嬌	三調
連理枝	二調	長生樂	二調
山亭柳	一調	佛覓裳	三調

珠玉詞目錄

珠玉詞

宋晏殊

點絳脣

露下風高井梧宮簾生秋意畫堂凝啓一曲呈珠纈
天外行雲欲去凝香秋燼煙起斷腸聲裏金釵雙
城翠

又

浣溪沙

舊刻十三闕

改青杏園林表酒香是承

閨苑瑤臺風露秋整鬢凝思捧觥籌欲歸臨別強遲
留月好漫成孤枕夢酒闌空得兩眉愁此時情緒
悔風流

又

三月和風滿上林牡丹妖豔直千金留人天氣又春
陰爲我轉回紅臉面向誰分付紫臺心有情須殢
酒杯深

又

又向誤入南唐二主詞

一曲新詞酒一杯去年天氣舊亭臺夕陽西下幾時
迴無可奈何花落去似曾相識燕歸來小園香徑
獨徘徊

又

紅蓼花香夾岸稠綠波春水向東流小船輕舫好追
遊漁父酒醒重撥棹驚鷺飛去卻回頭一杯銷盡
兩眉愁

又

淡淡梳妝薄薄衣天仙模樣好容儀舊歡前事入彈
眉閒役夢魂孤燭暗恨無消息畫簾垂且留雙淚
說相思

又

小閣重簾有燕過晚花紅片落庭莎曲闌干影入涼
波一霎好風生翠幕幾回疎雨滴圓荷酒醒人散
得愁多

又

宿酒醒醒厭玉卮水沈香冷懶熏衣早梅先綻日邊
枝寒雪寂寥初散後春風悠颺欲來時小屏閒放
畫簾垂

又

綠葉紅花媚曉煙黃蜂金蕊欲披蓮水風深處懶回
船可惜異香珠箔外不辭清唱玉尊前使星歸覲
九重天

湖上西風急暮煙夜來清露溼紅蓮少留驛騎促歌
筵爲別莫辭金盞酒入朝須近玉爐煙不知重會
是何年

又

楊柳陰中駐彩旌菱荷香裏勸金觥小詞流入管絃
聲只有醉吟寬別恨不須朝暮促歸程兩條煙葉
繫人情

又

一向年光有限身等閒離別易銷魂酒筵歌席莫辭
頻滿目山河空念遠落花風雨更傷春不如憐取
眼前人

又

玉腕冰寒滴露華粉融香雪透輕紗晚來妝面勝荷
花鬢髻欲迎眉際月酒紅初上臉邊霞一場春夢
日西斜

又

清商怨向誤入歐集按詩話或問元獻公應過
南雲云云確是公作今增入

關河愁思望處滿漸素秋向晚雁過南雲行人回淚
眼雙鸞金縷悔展夜又永枕孤人遠夢未成歸梅
花開塞管

又

芳蓮九蕊開新豔輕紅淡白勻雙臉一朵近華堂學
人宮樣妝著時斟美酒共祝千年壽銷得曲中謔
世間無此花

又

秋花最是黃葵好天然嫩態迎秋早染得道家衣淡
妝梳洗時曉來清露滴一一金杯側插向綠雲叢
便隨王母仙

又

人人盡道黃葵淡儂家解說黃葵豔豔可喜萬般宜不
勞朱粉施摘取承金盞勸我千長算筆作女真冠
試伊嬌面看

又

高梧葉下秋光晚珍叢化出黃金盞還似去年時憐
闌三兩枝人情須耐久花面長依舊莫學蜜蜂兒
等閒悠颺飛

又

訴衷情舊刻八首改海棠棠一重重是于
作今刪
青梅煮酒關時新天氣欲殘春東城陌花下逢著
意中人回鑾秋展香茵敘情親此時拚作千尺錦

絲惹住朝雲

又
東風楊柳欲青青煙淡雨初晴惱他香閣濃睡撩亂有啼鶯眉葉細舞腰輕宿妝成一春芳意三月和風牽繫人情

又
芙蓉金菊鬪馨香天氣欲重陽遠村秋色如畫紅樹閒疎黃流水淡碧天長路茫茫憑高目斷鴻雁來時無限思量

又
數枝金菊對芙蓉搖落意重重不知多少幽怨和露泣西風人散後月明中夜寒濃謝娘愁臥潘令閒眠心事無窮

又
露蓮雙臉遠山眉偏與淡妝宜小庭簾幕春晚聞共柳絲垂人別後月圓時信遲遲心心念念說盡無憑只是相思

又
秋風吹綻北池蓮曙雲樓閣鮮畫堂今日嘉會齊拜玉爐煙斟美酒祝芳筵奉觥船宜春耐夏多福莊嚴富貴長年

又
世間榮貴月中人嘉慶在今辰蘭堂簾幕高捲清唱過行雲持玉盞斂紅巾祝千春榴花壽酒金鴨爐香歲歲長新

又
春風不負東君信偏折羣芳燕子雙雙依舊御泥入杏梁須知一盞花前酒占得韶光莫話匆忙夢裏浮生足斷腸

又
紅英一樹春來早獨占芳時我有心期把酒攀條惜絳綈無端一夜狂風雨暗落繁枝蝶怨鶯悲滿眼春愁說向誰

又
陽和二月芳菲徧暖景溶溶戲蝶遊蜂深入千花粉艸中何人解繫天邊日占取春風免使繁紅一片西飛一片東

又
櫻桃謝了梨花發紅白相催燕子歸來幾處風簾繡戶開人生樂事知多少且酌金杯管咽絃哀慢引

蕭娘舞袖迴

又
古羅衣上金針樣繡出芳妍玉砌朱闌紫豔紅英照日鮮佳人畫閣新妝了對立叢邊試摘嬋娟貼向眉心學翠鈿

又
時光只解催人老不信多情長恨離亭滿淚春衫酒易醒梧桐昨夜西風急淡月籠明好夢頻驚何處高樓雁一聲

又
林間滴瀝雙雙葉寄與相思朱槿開時尚有山榴一兩枝荷花欲綻金蓮子半落紅衣晚雨微微待得空梁宿燕歸

又
三月暖風開卻好花無限了當年叢下落紛紛最愁人長安多少利名身若有一杯香桂酒莫辭花下醉芳茵且留春

又
春色初來偏被紅芳千萬樹流鶯粉蝶闌翻飛總香枝勸君莫惜纏金衣把酒看花須強飲明朝後日漸離披惜芳時

又
紫微枝上露華濃起秋風管絃聲細出簾櫳象筵中仙酒斟雲液仙歌轉繞梁虹此時佳會慶相逢慶相逢歡醉且從容

又
玉壺清漏起微涼好秋光金杯重疊滿瓊漿會仙鄉新曲調絲管新聲更麗霓裳博山爐暖泛濃香泛濃香爲壽百年長

又
玉池波浪碧如鱗露蓮新清歌一曲翠眉嚬舞華茵滿酌蘭英酒須知獻壽千春太平無事荷君恩荷君恩齊唱望仙門

又
秋露墜滴盡楚蘭紅淚往事舊歡何限意思量如夢寐人貌老于前歲風月宛然無異座有嘉賓尊有桂莫辭終夕醉

又
春花秋草只是催人老總把千山眉黛掃未抵別愁多少勸君綠酒金杯莫嫌絲管聲催飛走烏飛不

住人生幾度三臺

又

秋光向晚小閣初開綠林葉殷紅猶未遍雨後青苔滿院蕭娘勸我金危殷勤更唱新詞暮去朝來即老人生不飲何爲

又

春來秋去住事知何處燕子歸飛蘭泣露光景千留不住酒闌人散草草闌階獨倚梧桐記得去年今日依前黃葉西風

又

金風細細葉葉梧桐墜綠酒初嘗人易醉一枕小窗濃睡紫薇朱槿花殘斜陽卻照闌干雙燕欲歸時節銀屏昨夜微寒

又

紅樓小字說盡平生意鴻雁在雲魚在水惆悵此情難寄斜陽獨倚西樓遙山恰對簾鉤人面不知何處綠波依舊東流

更漏子

華濃山翠淺一寸秋波如翦紅日永綺筵開暗隨仙歌來過雲聲回雪袖占斷曉鶯春柳纔送目又雙眉此情誰得知

又

寒鴻高仙露滿秋入銀河清淺逢好客且開眉盛年能幾時寶箏調羅袖輕拍碎畫堂檀板須盡醉莫推辭人生多別離

又

雪藏梅煙著柳依約上春時候初送雁欲聞鶯綠池波浪生探花開留客醉憶得去年情味金盞酒玉爐香任他紅日長

又

菊花殘梨葉墮可惜良辰虛過新酒熟綺筵開不辭紅玉杯蜀妓高羌管脆慢舞舞娥香秋君莫笑醉鄉人照照長似春

相思兒令

昨日探春消息湖上綠波平無奈繞隄芳草還向舊痕生有酒且醉瑤觥更何妨檀板新聲誰教楊柳千絲就中牽繫人情

又

春色漸芳菲也遲日滿煙波正好豔陽時節爭奈落花何醉殺擬恣狂歌斷腸中贏得愁多不如歸傍

紗窗有人重畫雙蛾

喜遷鶯

風轉蕙露催催蓮葉語尚綿蠻亮黃鸝月欲圓圓真取降荷蘭素油幕調清樂四海一家同樂千官心在玉爐香聖壽祝天長

又

歌飲舞舞樂風遲日象筵中分行珠翠簇繁紅雲鬢曼瓏璫金爐暖龍香遠共祝堯萬萬萬曲終休解畫羅衣留伴綵雲飛

又

花不盡柳無窮應與我情同艤船一棹百分空何處不相逢朱絃悄知音少天若有情應老勸君看取利名場今古夢茫茫

又

燭飄花香掩爐中夜酒初醒書樓殘照兩三聲窗外月離明曉簾垂驚鷺去好夢不知何處南園春色已歸來庭樹有寒梅

又

曙河低斜月淡簾外早涼天玉樓清唱倚朱絃餘韻入疎煙險霞輕眉翠重欲舞釵鈿搖動人人如意祝爐香萬壽百千長

感庭秋

別來音信千里恨此情難寄碧紗秋月梧桐夜雨幾回無寐樓高目斷天遙雲黯只堪憔悴念蘭堂紅燭心長焰短向人垂淚

胡鴻鍊

小桃花與早梅花盡是芳妍品格未上東風先拆分付春消息佳人釵上玉尊前采采穠香堪惜誰把彩毫描得免恁輕拋擲

秋蕊香

梅蕊雪殘香瘦羅幕輕寒微透多情只似春楊柳占斷可憐時候蕭娘勸我杯中酒翻紅袖金烏玉兔長飛走爭得朱顏依舊

又

向曉雪花呈瑞飛偏玉城瑞砌何人翦碎天邊桂散作瑤田瓊蕊蕭娘勸我盡雙蛾翠迴香袂今朝有酒今朝醉遲莫更長無睡

滴金

梅花漏洩春消息柳絲長草芽碧不覺星霜鬢邊白念時光堪惜蘭堂把酒留嘉客對離筵駐行色千

里音塵便疎隔合有人相憶

燕歸梁

雙燕歸飛繞畫堂似留戀紅梁清風明月好時光更何況綺筵張雲彩侍女頻傾壽酒加意勸笙簧人人心在玉爐香慶佳會祝延長

又

金鴨香爐起瑞煙呈妙舞開筵陽春一曲動朱絃劇美酒泛觥船中秋五日風清露爽猶是早涼天蟠桃花發一千年祝長壽比神仙

望漢月

千縷萬條堪結占斷好風良月謝娘春晚先多愁更撩亂絮如雪短亭相送處長憶得醉中攀折年年歲歲好時節怎奈有人離別

少年遊

重陽過後西風漸緊庭樹葉紛紛朱闌向曉芙蓉妖豔特地闌芳新霜前月下斜紅淡蕊明媚欲回春莫將瓊萼等閒分留贈意中人

又

霜華滿樹蘭凋蕙慘秋黯入芙蓉嬌脂嫩臉金黃輕蕊猶自怨西風前歡往事當歌對酒無限到心中更憑朱檻憶芳容腸斷一枝紅

又

芙蓉花發去年枝雙燕欲歸飛蘭室風輕金爐香暖新曲動簾帷家人拜上千春壽深意滿瓊卮綠鬢朱顏道家裝束長似少年時

又

謝家庭檻曉無塵芳晏祝良辰風流妙舞櫻桃清唱依約駐行雲榴花一盞濃香滿為壽百千春歲歲年年共歡同樂嘉慶與時新

雨中花

翦翠妝紅欲就折得清香滿袖一對鴛鴦眠未足葉下長相守莫惜細條尋嫩緒怕綠刺眉衣傷手可惜許月明風露好恰在人歸後

迎春樂

長安紫陌春歸早驛垂楊染芳草被啼鶯語燕催清曉正好夢頻驚覺當此際青樓臨大道幽會處兩情多少莫惜明珠百琲占取長年少

紅窗聽

淡薄梳妝輕結東天付與臉紅眉綠斷環書素傳情久許雙飛同宿一餉無端分比目誰知道風前月

底相看未足此心終擬覓鸞紋重續

又

記得香閣臨別語彼此有萬重心訴淡雲輕雨知多少隔桃源無處夢覺相思天欲曙依前是銀屏畫燭宵長歲暮此時何計託鸞鴛飛去

審思新

芙蓉一朵霜秋色迎曉露依依先拆似佳人獨立傾城傍朱檻暗傳消息靜對西風脈脈金蕊綻粉紅如滴向蘭堂莫厭重新免清夜微寒漸逼

又

紅絲一曲傍階砌珠露下獨呈纖麗翦鉸綃碎作香英分彩線簇成嬌蕊向晚羣花新悴故朵似延秋意待佳人插向釵頭更裊裊低臨鳳簪

玉樓春

東風昨夜回梁苑日腳依稀添一線旋開楊柳綠蛾眉暗折海棠紅粉面無情一去雲中雁有意歸來梁上燕有情無意且休論莫向酒杯容易散

又

簾旌浪卷金泥鳳宿醉醒來長曹鬆海棠開後曉寒輕柳絮飛時春睡重美酒一杯誰與共往事舊歡時節動不如憐取眼前人免使勞魂兼役夢

又

燕鴻過後鶯歸去細算浮生千萬緒長於春夢幾多時散似秋雲無覓處聞琴解佩神仙侶挽斷羅衣留不住勸君莫作獨醒人爛醉花間應有數

又

池塘水綠風微暖記得玉真初見面重頭歌韻響鐸深入破舞腰紅亂旋玉鉤闌下香階畔醉後不知斜日晚當時共我賞花人點檢如今無一半

又

玉樓朱閣橫金鎖寒食清明春欲破窗間斜月兩眉愁簾外落花雙淚墮朝雲聚散真無那百歲相看能幾箇別來將為不牽情萬轉千回思想過

又

朱簾半下香銷印二月東風催柳信琵琶旁畔且尋思鸞鵲前頭休借問鸞鵲去後生離恨紅日長時添酒困未知心在阿誰邊滿眼淚珠言不盡

又

杏梁歸燕雙回首黃蜀葵花開應候畫堂元是降生辰玉盞更斟長命酒爐中百和添香獸簾外青蛾

回舞袖此時紅粉感思人拜向月宮千歲壽

又

紫微朱槿繁開後枕簟微涼生玉漏玳筵初啓日穿簾檀板欲開香滿袖紅衫侍女頻傾酒龜鶴仙人來獻壽歡聲喜氣逐時新青鬢玉顏長似舊

又

春蕊指甲輕籠嫩五彩條垂雙袖捲雲香濃透紫檀槽胡語急隨紅玉腕當頭一曲情無限入破鐸深金鳳戰百分芳酒祝長春再拜釵容擡粉面

又

紅條約束瓊肌穩拍碎香檀催急衰嬌頭鳴咽水聲繁葉下聞關鶯語近美人才子傳芳信明月清風傷別恨未知何處有知音長爲此情言不盡

又

青蘋昨夜秋風起無限個露蓮相倚獨凭朱闌愁放晴天際空目斷遙山翠彩箋長錦書細誰信道雨情難寄可惜良辰好景歡娛地只恁空憔悴

又

留花不住怨花飛向南園情緒依依可惜倒紅斜向一枝枝經宿雨又離披凭朱檻把金卮對芳叢惆悵多時何況舊歡新寵阻心期滿眼是相思

又

柳條花艷惱青春更那堪飛絮紛紛一曲細絲清脆倚朱簾對綠酒掩紅巾追往事惜芳長暫時閒留住行雲端的自家心下眼中人到處覺尖新

又

細草愁煙幽花怯露凭闌總是銷魂處日高深院靜無人時時海燕雙飛去帶暖羅衣香殘蕙炷天長不禁迢迢路垂楊只解惹春風何曾繫得行人住

又

祖席離歌長亭別宴香塵已隔猶迴面居人四馬映林嘶行人去棹依波轉畫閣魂消高樓目斷斜陽只送平波遠無窮無盡是離愁天涯地角尋思偏

又

碧海無波瑞臺有路思量便合雙飛去當時輕別意中人山長水遠知何處綺席凝塵香閣掩霧紅牋小字憑誰附高樓目盡欲黃昏梧桐葉上蕭蕭雨

又

綠樹歸禽離梁別燕春光一去如流電當歌對酒莫沈吟人生有限情無限弱袂榮春修蛾寫怨素筆

寶柱頻移雁尊中綠醕意中人花朝月下長相見

又

小徑紅稀芳郊綠偏高臺樹色陰陰見春風不解禁楊花濛濛亂撲行人面翠葉藏鶯朱簾隔燕爐香靜逐遊絲轉一場愁夢酒醒時斜陽卻照深深院

又

資善堂中三十載舊人多是凋零與君相見最傷情一尊如舊聊且話平生此別要知須強飲雪殘風細長亭待君歸觀九重城帝宸思舊朝夕奉皇明蝶戀花書七首次玉梅冰寒銷暑氣是于瞻作

又

一霎秋風驚畫扇粉嬌紅尚折荷花面草際露垂蟲響偏珠簾不下留歸燕掃掠亭臺開小院四坐清歡莫放金杯淺龜鶴命長松壽遠陽春一曲情千萬

又

紫菊初生朱槿墜月好風清漸有中秋意更漏乍長天似水銀屏展盡遙山翠繡幕卷波香引穗急驚繁絃共愛人間瑞滿酌玉杯繁舞秋南春祝壽千千歲

又

又一刻六一詞一刻東坡詞簾幕風輕雙語燕午醉醒來柳絮飛撩亂心事一春猶未見餘花落盡青苔院百尺朱樓閒倚偏薄雨濃雲抵死遮人面消息未知歸早晚斜陽只送平波遠

又

六曲闌干偎碧樹楊柳風輕展盡黃金縷誰把鉤筆移玉柱穿簾海燕雙飛去滿眼游絲兼落絮紅杏開時一霎清明雨濃睡覺來鶯亂語殘好夢無尋處

又

又上二首或刻六一詞南雁依稀迴側陣雪霽牆陰偏覺蘭芽嫩中夜夢餘消酒困爐香卷穗燈生暈急景流年都一瞬往事前歡未免繁方寸臘後花期知漸近寒梅已作東風信

又

又向另刻歸路枝檻菊愁煙蘭泣露羅幕輕寒燕子雙飛去明月不歸離恨苦斜光到曉穿朱戶昨夜西風凋碧樹獨上高樓望盡天涯路欲寄彩箋尺素山長水闊知何

又

又向另刻歸路枝檻菊愁煙蘭泣露羅幕輕寒燕子雙飛去明月不歸離恨苦斜光到曉穿朱戶昨夜西風凋碧樹獨上高樓望盡天涯路欲寄彩箋尺素山長水闊知何

又

又向另刻歸路枝檻菊愁煙蘭泣露羅幕輕寒燕子雙飛去明月不歸離恨苦斜光到曉穿朱戶昨夜西風凋碧樹獨上高樓望盡天涯路欲寄彩箋尺素山長水闊知何

虞

又

紫府羣仙名籍秘五色班龍暫降人閒媚海變桑田
都不記蟠桃一熟三千歲露滴彩旌雲繞秋誰信
壺中別有笙歌地門外落花隨水逝相看莫惜尊前
醉

玉堂春

帝城春暖御柳暗遮空苑海燕雙雙拂殿簾櫳女伴
相攜共繞林間路折得櫻桃插髻紅昨夜臨明微
雨新英偏舊黃寶馬香車欲傍西池看觸處楊花滿
袖風

又

後園春早殘雪尚蒙煙草數樹寒梅欲綻香英小
妹無端折盡釵頭朵滿把金尊細細傾憶得往年同
伴沈吟無限情惱亂東風莫便吹零落惜取芳菲眼
下明

又

斗城池館二月風和煙暖繡戶珠簾日影初長玉轡
金鞍綠繞沙隄路幾處行人映綠楊小檻朱闌回
倚千花濃露香脆管清絃欲奏新翻曲依約林間坐
夕陽

漁家傲 舊刻十四首改粉筆丹青描未得是六

一詞刪去

畫鼓聲中昏又曉時光只解催人老求得幾歡風日
好齊喝調神仙一曲漁家傲綠水悠悠天杳杳浮
生豈得長年少莫惜醉來開口笑須信道人間萬事
何時了

又

荷葉荷花相間闌紅藕綠掩新妝就昨日小池疎雨
後錦繡繡行人過去頻回首倚偏朱闌凝望久驚
驚浴處波文數誰喚喚謝娘對美酒繁舞袖當筵勸我
千長壽

又

荷葉初開猶半卷荷花欲折頻微綻此葉此花真可
羨秋水畔青涼綠映紅妝面美酒一杯留客宴拈
花摘葉情無限爭奈世人多聚散頻頻顧如花似葉
長相見

又

楊柳風前香百步盤心碎點真珠露疑是水仙開洞
府妝景趣紅幢綠蓋朝天路小鴨飛來藕闌處二

三兩兩能言語飲散短亭人欲去留不住黃昏更下
蕭蕭雨

又

葉下鳴鵲眠未穩風翻露曉香成陣仙女出遊知遠
近羞借問錦綉將絲扇遮紅粉一樹蕊黃露雨潤天
人乞與金英嫩試折亂條醒酒酒因應有恨芳心易盡
情無盡

又

墨畫溪邊停彩舫仙娥繡被呈新樣颼颼風聲來一
鉤愁四望殘紅片片隨波浪瓊臉麗人青步障風
牽一袖低相向應有錦綉閒倚傍秋水上時時綠柄
輕搖颼

又

宿蕊飄飄金粉闌青房暗結蜂兒小嫩面似啼還似
笑天與貌人間不是鉛華少葉輕香清無限好風
頭日脚乾惟老特得玉京仙子到剛向道紅顏只合
長年少

又

險傳朝霞衣翦翠重重占斷秋水一曲採蓮風細
細人未醉驚鶯不合驚飛起欲摘嫩條嫌綠刺閒
敲畫扇偷金蕊半夜月明珠露墜多少意紅腮點點
相思淚

又

越女採蓮江北岸輕桹短棹隨風便人貌與花相闌
豔流水慢時時照影看妝面蓮葉層層張綠蓋蓮
房箇箇垂金盞一把藕絲牽不斷紅日晚回頭欲去
心撩亂

又

粉面啼紅腰束素當年拾翠曾相過密意深情誰與
訴空惹暮西池夜夜風兼露池上夕陽籠碧樹池
中短棹驚微雨水泛落英何處去人不悟東流到了
無停住

又

幽鷺慢來窺品格雙魚豈解傳消息綠柄嫩香頻採
摘心似纖條條不斷誰牽役粉淚暗和清露滴羅
衣染就秋江色對面不言情脈脈煙水隔無人說似
長相憶

又上二首或入六一詞

楚國細腰元自瘦文君臙臉誰描就日夜鼓聲催箭
漏昏復畫紅顏豈得長依舊醉拆嫩房和蕊嗅天

絲不斷清香透卻傍小園凝望久風滿袖西池月上人歸後

又
嫩綠堪裁紅欲綻嬌媚點水魚遊畔一霎雨聲香四散風颺亂高低掩映千千萬總是湘雲絲有恨能無眼下生留戀何似折來妝粉面勤看歡勝如落盡秋江岸

又
破陣子
海上蟠桃易熟人間好月長圓惟有擘釵分鈿侶離別常多會面難此情須問天蠟燭到明垂淚熏爐盡日生煙一點淒涼愁絕意漫道秦箏有剩絃何曾爲細傳

又
燕子欲歸時節高樓昨夜西風求得人間成小會試把金尊傍菊叢歌長粉面紅斜日更穿簾幕微涼漸入梧桐多少襟懷言不盡寫向蠻牋曲調中此情千萬重

又
憶得去年今日黃花已滿東籬曾與玉人臨小檻共折香英泛酒卮長條插鬢垂人貌不應還換珍叢又親芳菲重把一尊尋舊徑所惜光陰去似飛風飄露冷時

又
湖上西風斜日荷花落盡紅英金菊滿叢珠顆細海燕辭巢翅羽輕年年歲歲情美酒一杯新熟高歌數闋堪聽不向尊前同一醉可奈光陰似水聲聲迢迢去未停

又
瑞鷓鴣
越娥紅淚泣朝雲越梅從此學妖嬈臘月初頭庚嶺繁開後特染妍華贈世人前溪昨夜深深雪朱顏不掩天真何時驛使西歸寄與相思客一枝新報道江南別樣春

又
江南殘臘欲歸時有梅紅亞雪中枝一夜前村聞破瑤英折端的千花冷未知丹青改樣勻朱粉離梁欲盡猶疑何妨與向冬深密種素人路來仙溪不待天桃客自迷

又
二月春風正是楊花滿路那堪更別離情緒羅巾掩淚任粉痕零汗爭奈向千留萬留不住玉酒頻傾

宋六十名家詞 珠玉詞

宿眉愁聚空腸斷寶箏絃柱人間後會又不知何處魂夢裏也須時時飛去

又
玉樹微涼漸覺銀河影轉林葉靜疎紅欲偏朱簾細雨尚遲留歸燕嘉慶日多少世人良願楚竹驚蟬秦箏起雁紫舞袖急翻羅薦雲迴一曲更輕攬檀板香柱遠同祝壽期無限

又
一葉秋高向夕紅蘭露墜風月好乍涼天氣長生此日見人中嘉瑞對壽酒重唱妙聲珠綴鳳篋移宮細衫迴袂簾影動幽爐香細南真寶鏡賜玉京千歲良會永莫惜冰霞同醉

又
連理枝
玉宇秋風至簾幕生涼氣朱槿猶開紅蓮尚拆芙蓉含蕊送舊葉歸燕拂拂高簾見梧桐葉墜嘉宴凌晨啓金鴨飄香細鳳竹驚絲清歌妙舞畫呈游藝願百千遐壽比神仙有年年歲歲

又
綠樹驚聲老金井秋早不寒不暖裁衣按曲天時正好況蘭堂逢華筵開見爐香縹緲絳綃呈纖巧歌舞誇妍妙玉頻傾朱絃翠管移宮易調獻金杯重疊祝長生永道遙奉道

又
長生樂
玉露金風月正圓臺榭早涼天畫堂嘉會組纈列芳筵洞府星辰龍鶴來添福壽歡聲喜色同入金爐泛濃煙清歌妙舞急管繁絃榴花滿酌醺酣人盡祝富貴又長年莫教紅日西晚留著醉神仙

又
又
閨苑神仙平地見碧海架蓬瀛洞門相向倚金鋪微明處處天花接闌珊散歌聲裝真筵壽賜與流霞滿瑤觥紅藕翠節紫鳳銀笙玉女雙來近彩雲隨步朝夕拜三清爲傳王母金鑰祝千歲長生

又
山亭柳
家住西秦賭博藝隨身花柳上關尖新偶學念奴聲調有時高過行雲蜀錦纏頭無數不負辛勤數年來往咸京道殘杯冷炙漫消魂哀腸事託何人若有知音見採不辭偏唱陽春一曲當筵落淚重掩羅巾拂霓裳

又
慶生辰慶生辰是百千春開雅宴畫堂高會有諸親細函封大國玉色受絲綸感皇恩望九重天上拜堯

雲 今朝祝壽祝壽數比松椿對美酒至心如對月
中人一聲檀板動一炷薰香焚禱仙真願年年今日
喜長新

又

喜秋成見千門萬戶樂昇平金風細玉池波浪穀文
生宿露霑羅幕微涼入畫屏張綺宴傍熏爐蕙炷和
新聲 神仙雅會會此日象蓬瀛管絃清旋翻紅袖
舉飛瓊光陰無暫住歡醉有閒情祝辰星願百千爲
壽獻瑤觥

又

笑秋天晚荷花綴露珠圓風日好數行新雁貼寒煙
銀簫調脆管瓊柱撥清絃棹船一聲聲齊唱太平
年 人生百歲離別易會逢難無事日利呼賓友啓
芳筵星霜催綠鬢風露損朱顏惜清歡又何妨沈醉
玉尊前

珠玉詞

同叔撫州臨川人也七歲能屬文張知白以神童薦
真宗召見與千餘人並試廷中神氣不懼援筆立成
帝異之使盡讀秘閣書每取諮訪率用寸方小紙細
書問之繼事仁宗尤加信愛任至觀文殿大學士以
疾請歸留侍經筵及卒帝臨奠猶以不親視疾爲恨
特罷朝二日贈諡元獻一時賢士大夫如范仲淹歐
陽修等皆出其門擇壻又得富弼楊察賦性剛峻遇
人以誠一生自奉如寒士爲文瞻麗應用不窮尤工
風雅閒作小詞其暮子幾道云先公爲詞未嘗作婦
人語也古虞毛晉記

